



17224 *kat.homp.*

I *Mag. et R.* P

*islai: Pagan Musatum  
iam Thomae Kamójski.*

PANEG. of VITAE

Folom. 4<sup>e</sup>

N<sup>o</sup> 1231.

P Æ A N  
M V S A R V M



I N V I C T O R I A M  
T H O M Æ Z A M O Y -  
S K I

A U T H O R E  
S T A N I S L A O M A D R O V I C L E O .  
P O L I E N . P H I L O S O P H I A E S T U D I O S O .



Z A M O S C I  
Excudebat Martinus Lenscius. Anno 1613.  
*Excellentissimo*

IN ARMAT  
ZAMOSCIVM



G. R. BIBLIOTHECA  
VNIV. IAGELL.  
CRACOVENSIS

17224I

Bellator triplicem Zamojski concutit hastam,  
Priscorum ostentans nobile pignus Auūm,  
Arctophylax primam, similem dedit ipse Gradivus,  
Tertia ab Herculeâ ritè profecta manu.  
Iunctæ conspirant in signum fœderis hastæ  
• Macrones Græcis sic pepêrere fidem.  
At si quis rumpat vitalia symbola pacis,  
Heu quot molitur vulnera; Turca caue.

AD  
ILLVSTREM ET MAGNE  
FICVM DOMINVM  
D. THOMAM ZA-  
MOSCIVM CAPITANE-  
VM KNYSZYNEN.

ΠΡΟΣΦΩΝΗΜΑ.

CVM nuper infinitorum malorum obruta flucti-  
bus squallebat Respublica, Illustris. ac Magnifice Do-  
mine, extremam velut regno huic amplissimo intentan-  
te perniciem crudelissimo eiusdem hoste perfido Scy-  
tha, laborantibus hisce rebus, tu ipse crescentis tuæ vir-  
tutis robore succurrisse omnium rectè sentientium iudi-  
cio dictus es. Itaque tanto à te affecta Respub. beneficio,  
meritò ducit plausus, trophæa instituit, turbatoremque  
suæ pacis, tuæ virtutis numine profligatum magnificè  
ridet, & quam singulari promeruisti dexteritate coro-  
nam, non ex viridantium florum germine, sed illustri-  
bus laudum præconijs, præclaræ suæ in te voluntatis pi-  
gnus

A ij

gnus

gnus gratatibi offert. Ergo etiam & sacrarum alumnae  
artium Musæ, Helicone relicto in tuum veniunt conspe-  
ctum, tam generosam indolem, tamq; celsum animum,  
non ardentem modò prorumpere in egregia quæuis fa-  
cinora, sed iam gloriosè vincentem obuia quæuis peri-  
cula, meritis laudibus prouehere, atque posteritati tra-  
dere certantes. Fulget sanè nunc virtutis tuæ splendor,  
sed subsequenti temporum cursu, fulgebit adhuc magis,  
facta tua tam generosa, perpetuâ posteritatis memoriâ a-  
lentur, sermonibus roborabuntur, literarum monumen-  
tis inueterascent; nec vlla vnquam temporis vetustate  
intercident. Omen illud nobile, quod Marcello Impe-  
ratori optimo, Lyricorum optimus aliquando detulit,  
cape. *Crescit occultò velut arbor æuo Fama Zamosci.*

Quare ego tantum splendorem virtutis tuæ admiratus,  
in tanta gratulantium multitudine, non dubitavi ex te-  
nello ingenio deuotè meq; in te voluntatis in publico hoc  
gaudio specimen, licet serò, tibi offerre. Fas enim primū  
esse intellexi in communi lætitia omnium, neminem ab  
ea alienum animum gerere; teq; ea humanitate esse sci-  
ui, vt in summâ fortunâ, summâ lenitate erga quosuis v-  
taris, & ab addictò tibi animo, quidquid profectum sit,

singulari benignitate complectaris. Quod vt huic

quoq; meo in te studio præstes, vehe-

menter rogo:

CALLI-

## CALLIOPE.

**A**LAS sublimi-victoria pandere tractu  
Gestit, & auratis simulans Hyperiona pinnis,  
Partam Zamosci rigido certamine palmam  
Librat in ætherio plaudentis fulgure Phœbi.

Tanto progenies affulsit digna Parente,  
Qui belli exemplar, memori vestigia linguens  
Æuo virtutis, chari præstantia Nati,  
Agnoscit studia, & duro sub vomere Martis  
Ingenitum miratur opus: sic ardua cogit  
Exploratrices sobolem Regina volucrum  
Lumine ferre faces, Oculoq; applaudere cæli.

Impulit hortatrix animosi gloria belli  
In rabidos sæuisse enses, pellita Gelonum  
Agmina testantur, refugis palantia castris,  
Et tremulis frustra lunantia viribus arcus.

Zamoysci æthneo Mars inflammauerat æstu  
Pectora, sanguineam nudantis in agmine messem.  
Excubias vidit vigiles Latonia pulchrum  
Cæli vestibulum, & noctis variantia pallam  
Sydem cernebant curas, miratus & acres  
Titan congressus, letho dum corpora voluit,  
Et multis haustum Phœbeæ lucis ademit.

A iij

Victri-

Victrices crepuere tubæ, iam facta trophæis  
 In gremium pacis summâ cum laude recessit  
 Exarmata quies, iam læti signa triumphi  
 Zamoysci extollunt dignum super æthera nomen,  
 Quod nunquam immemori letheâ obliuia nube  
 Sopitum condent, meriti sed gloria magnum  
 Calcar habens, laudes æternâ luce rotabit,  
 Seu cœli quando campos Aurora coruscis  
 Flatibus insperget, seu dum Tartessia Titan  
 Littora, latrantesq; domos penetrabit aquarum.

## E V T E R P E.

Sonant ab axe fulgura  
 Poli, rumpit igneas frigor plagas  
 Tumultus ætheris graui  
 Tonat furore, præboant tonitrua.  
 Ruunt trifulca fulmina,  
 Et imbre rupta gemmat arca nubium.  
 Quid ð nitentis Arbiter  
 Domus, rubente dextera parvis metum?  
 An ipse tela vindici  
 Facis manu, tremensq; territas solum?  
 Sed ecce Phæbus aurei  
 Propinquat inde flamma, Duxq; luminis.

Nitens ab axe qui trahens  
 Jubat, micante lumen extulit face.  
 Trophæa cerno splendida  
 Legoq; nomen illius, suis modo  
 Ligata castri qui ausibus  
 Ab ense liberavit hostium truci.  
 Fugauit hostis impetum,  
 Sibiq; comparauit in chlyti facem  
 Honoris, ista fulgurans  
 Nitore pura castiore lilia  
 Nivesq; vincit Arcticas.  
 Rosas rubore pulchriore floridas,  
 Odore thura deprimit.  
 Procul doloris inde nube perditâ  
 Salit serena Patria.  
 Coronat altiore corda gaudio,  
 Celer struens Palatia  
 Leui referta spiritu, atque Cyprij  
 Rosas cruoris ebrias  
 Manu nitente denuo, ad pedes sui  
 Facit beata vindicis.  
 Edaxq; liuor hostium furit, tremunt  
 Tot inuidantium greges.

ITALIA

## THALIA.

**Q**uid clangoribus intonant tubarum?  
 Laxos quid geminant chori triumphos?  
 Captiuos video trahi ligatos,  
 Victorisq; sui manum gementes.  
 O quot corpora tabidos per agros  
 Liuent funere mersa se uienti,  
 Quae serpenticomae vorant Sorores,  
 Et trucus pelago coquunt doloris.  
 O quot fulgida machinam per orbis  
 Famae lumina, bellicos Penates  
 Zamoysci celebrant, laboris .estu,  
 Mæstum qui Patriæ sinum coornat.  
 Eius gloria candidam sub æthere  
 Portam brachia gloriosa tollens,  
 Cæli respicit astricas choreas  
 Candidissima candidissimarum.

## TERPSICHORE

**E**xosa metam præcipites rotas  
 Fortuna voluit, nec stabili pede  
 Insistit orbi, quem rotundum  
 In varias iaculatur oras.

Sic

Sic ampla fasis Syrtibus æquora  
 Alterna voluunt agmina fluctuum,  
 Euxinus altas sic aquarum  
 Cæruleus geminat cohortes.  
 Audita cui non copia Militum  
 Aegyptiorum maxima Principis,  
 Hæc Marte crebra seminante  
 Vulnere, mole sua perempta est.  
 Licet Gelonum corpora, bellicam  
 Densent coronam tot legionibus,  
 Sub atra cedent lustræ Cerui,  
 Cùm sonitum dederint Leones.  
 En nunc virentis strenua Principis  
 Fortuna Parthos disputit obuios.  
 Versisq; fidentes sagittis  
 Sub stygias agit auit auras.  
 Prælusit altis postea prælijs,  
 Belli futuri pinxit imaginem,  
 Nunc hellicosus bellicoso  
 Obtulit inferias Parenti.  
 Floresce virtus, proxima Numini,  
 Quam non metalli pondera diuitis  
 Aequare Cræsi, non Eoi  
 Aurea gaza maris valebit.

B

POLY.

## POLYMNIA.

**F**luctuat bello trepidante tellus,  
 Arduo cæli reboant tumultu,  
 Clava dum miscet fremebunda sævi  
 Agmina Martis.

Hinc manus densi glomerant Gelones.  
 Actra pennatus ferunt sagittis  
 Inde Zamoycki, nouus inde telis  
 Fulminat Heros.

Tela franguntur, percunt sagittæ:  
 Parthus hinc: illinc superat Polonus.  
 Quos supra victoria tædiosis  
 Remigat alis.

Illa nunc lasso tribuit coronam  
 Sarmatæ, nunc dat trepido Geloni,  
 Anxiæ circum fluitans amore  
 Pendula palmæ.

Nalla virtutem superant volantis  
 Tela Fortunæ; Gelo tu cateruas  
 Ducito, vincet tamen hæc Poloni  
 Omnia virtus.

Conterit sanè rubidas phalanges.  
 Et rotat currus spolijs opimos

Demetit

Demetit ferro, Patriam rapinis  
 Sollicitantes.

Hostium cessit furor, atque fines  
 Amplius non iam cruciat Polonos,  
 Necue mactatus violata squallent  
 Rura colonis.

Emicant læti Patriæ Penates,  
 Vela frenantes patuli doloris  
 Laude Zamoycki miserum triumphos,  
 Vindictis ornant.

Viuito cunctis metuende Princeps  
 Hostibus, fusos moderare frænis  
 Gloriæ currus, rutilantis auctos  
 Lumine Famæ.

## MELPOMENE.

**D**ies amara plena fellis anguium  
 Nigros quot angis vna nos Scythas malis  
 Fugata castra, præda, vita perdita.  
 Paludis ille nauta Tartari senex  
 Sub antia lusca plurimos vehit Scythas,  
 Chorisq; plena Ditis aula Parthicus  
 Superbit, atque Cerberi iugo grauat.

B ij

Dies

*Dies amara, concitasti in Arcticos  
Scytas furore bellico Zamoyscium,  
Et alta blandiente corda praelio  
Magè extulisti, iniqua plurimum dies.*

*Sed ô Gradiue cuncta cuius impetu  
Rotantur arma, nunquid ipse transfuga  
Getas relinquis, Arcticiis ferox plagis?  
Ego sub æthra clamo terra Parthica  
Egote adoro, numinis tenax tui.  
Veni benignus, in sinum veni meum  
Fouens quod vsque nutriebat editum,  
Veni, intuerè perditum propaginis  
Meæ dolorem, operta cerne pectora,  
Vide cruore flumen effluum meo.*

*Modo Polonus, angit astru vertice.  
Polum tumore, calce vix terit solum.  
Agit trophæa, vinculis grauat meos.  
Premitt ligante fune, Styxq; cæteros  
Nigro paludis abdicauit alueo.*

*Maligna fors, maligna, quò magis perit,  
Magis perire certat; Heu Zamoyscium.*

ERATO.

Orpheæ

*O Rpheu nemorum mulcens latelinas,  
Pollice surdas animans cautes.  
Surge, & amœnum moderare melos.  
Parthos, iniustosq; Pyritas  
Pestis scelerum Astræa peremit.*

*Fulget amatæ vindex Patriæ  
Zamoyski, quem laude coornat  
Placidæ virtus integra mentis.  
Hunc cum attonitis hostile agmen  
Oculis hausit, pauidæ subito  
Fugère genæ, magnoq; procul  
Terrore actum, vertit refugis  
Agros pedibus, nuncq; tremendis  
Animos turbant somnia monstris,  
Orcus piceis flebilis undis  
Gaudet Getulis grauidus castris.  
Tot Massagetæ ignibus urit  
Hirsutis quot messila ramis.*

*Nunc Lecchiacæ finibus oræ  
Aurea leni tempora sorte  
Iterum iactantur, nunc patulo  
Laus Zamoysci fragrat odore.  
Crescit eundo, pergit ad ipsos  
Libias tostosq; æstibus Indos.*

B ij

CLIO.



## CLIO.

**S**eptem dinumerans cornua, feruidus  
 Pandit cæruleam Nilus in ostijs  
 Vestem, dum grauidus recreat aridus  
 Uhere rore plagas.

Arcens æstiferi torrida luminis  
 Tela vltor Cereris perdit mitat siti n,  
 Largitur pluuias, si radijs ferox  
 Aestus hincet agros.

Septenâ pariter præditus indole  
 Zamoycki, Patriam vindice dextera  
 Tutatus, Scythæcos victor & in petus  
 Tradidit Origens.

Spes hunc, atque Fides, iunctaq; Charitas  
 Astræa, ac animus Fortis, & Abstimens  
 Virtus, ac Sapiens spiritus, appetunt  
 Ritè iugare sibi.

Cui virtus proprij prodiga sanguinis  
 Suasit Massagetum sternere copias,  
 Orciq; in fluuium pectore fortium  
 Voluere corda virum.

Idæi veluti verticis incola  
 Armos dum croceis magnanimus Leo

Villis

Villis asperat, heu quàm miseris leues  
 Cladibus angit oues.  
 Zamoycki cuneos sic ferit hosticos  
 Cede ð Massageta, & disce quid alea  
 Bellorum valeat, cede, vir intonat  
 Marte togâq; potens.

## VRANIA.

**P**ris diurna facibus ætbru scintillat:  
 Serena frons Poli: nec amplius tetri  
 Ferrugô cœli squallidas vomit nubes:  
 Tonitruq; mucum per superna non calcad  
 Olympus astra: fulget emicans Atlas,  
 Sol æstiuosi gutturis siti immensâ  
 Non findit arua; non remordet inatum  
 Axis boatum: Cynthiæ micant currus,  
 Aurora clarum suscit at diem: verso  
 Temone cœlorum Arcades micant vrsæ,  
 Radiosq; nascentes vebunt: refulgenti  
 Vndat nitore Phœbus; omnia ingentis  
 Spirant odorem gaudij, triumphali  
 Tellus repletur voce, cuncta Zamoycki

Dignis

Dignis referta laudibus. vige tandem  
 Secura Patria, dulce semper Heroi  
 Meditare carmen, cuius arduum p[er]salo  
 Miranda post hac gesta denotat sydus.  
 Sed iam supinus vltimi poli Ciues  
 Lustrare gestit, claudit & melos Phæbus.



Si bona, sat: si mala: multa.



Biblioteka Jagiellońska



stdr0016876

